

## Mchungaji Aliyatoa Maisha Yake kwa Ajili ya Kondoo

*Mimi ndini mchungaji mwema; nao walio wangu nawajua; nao walio wangu wanijua mimi—kama vile Baba anijuavyo, nami nimjuavyo Baba—Nami nautoa uhai wangu kwa ajili ya kondoo—Yohana 10:14, 15.*

**N**imevumilia huzuni zako, nimepitia mapambano yako, nimekabiliiana na majaribu yako. Ninayajua machozi yako; na mimi pia nimelia. Masikitiko ya kina sana kiasi kwamba huwezi kuyanong'oneza katika sikio la mwanadamu yeyote mwenye kufa, Ninayafahamu. Usifikiri kwamba wewe ni mkiwa uliyetelekezwa. Hata kama masikitiko yako hayatagusa moyo wowote duniani na kuufanya uitikie, nitazame Mimi, upate kuishi. “Maana milima itaondoka, na vilima vitaondolewa; bali wema wangu hautaondoka kwako, wala agano langu la Amani halitaondolewa; asema Bwana akurchemuye” (Isaya 54:10).

Hata kama mchungaji angewapenda kondoo wake kiasi gani, anawapenda zaidi watoto wake wa kiume na wa kike. Yesu, si tu mchungaji wetu; ni “Baba yetu wa milele.” Na anasema, “Nao walio wangu nawajua; nao walio wangu wanijua mimi; kama vile Baba anijuavyo, nami nimjuavyo Baba” (Yohana 10:14, 15). Ni kauli ya ajabu kiasi gani! Mwana Pekee ambaye yupo kifuni pa Baba, Yeye ambaye Mungu amemtangaza kuwa “mtu aliye mwenzangu” (Zakaria 13:7)—mawasiliano kati Yake na Mungu wa milele yamechukuliwa kuwakilisha mawasiliano kati ya Kristo na watoto Wake duniani!

Kwa kuwa sisi ni zawadi ya Baba Yake, na tuzo ya kazi Yake, Yesu anatupenda. Anatupenda kama watoto Wake. Msomaji, Anakupenda wewe. Mbingu haiwezi kutoa kitu kikubwa zaidi kuliko hiki, kitu bora kuliko hiki. Kwa hiyo amini tu.

Yesu aliwafikiria watu wote wa ulimwengu waliopotoshwa na wachungaji wa uongo. Wale ambao alitamani sana kuwakusanya kama kondoo wa malisho Yake walikuwa wametawanyika miongoni mwa mbwa mwitu, Naye alisema, “Na kondoo wengine ninao, ambao si wa zizi hili; na hao nao imenipasa kuwaleta; na sauti yangu wataisikia; kisha kutakuwako kundi moja na mchungaji mmoja” (Yohana 10:16).

“Ndiposa Baba anipenda, kwa sababu nautoa uhai wangu ili niutwae tena.” Yaani, Baba Yangu amekupenda, kiasi kwamba amenipenda zaidi kwa sababu ya kuutoa uhai Wangu ili nikukomboe. Kwa kuwa mbadala na dhamana yako, kwa kuyasalimisha maisha Yangu, kwa kuchukua madeni yako, dhambi zako, ninapendwa sana na Baba Yangu....

Alipokuwa kama mmoja wa jamii ya wanadamu, alikuwa na mwili wa kufa, akiwa kama Mungu alikuwa ndiye asili ya uzima kwa ulimwengu. Angeweza kushinda njia zinazosababisha mauti, na kukataa kuwa chini ya mamlaka yake; lakini kwa hiari aliyatoa maisha yake, ili aweze kuleta nuruni uzima na kutokufa. Aliibeba dhambi ya ulimwengu, akastahimili laana yake, akautoa uhai wake kama sadaka, ili watu wasife milele. “Hakika ameyachukua masikiriko yetu, Amejitwika huzuni zetu (Isaya 53:4) (Tumaini, seh. Ya, 2 uk. 95, 96).